

Beriz Belkić

Izrazio nezadovoljstvo odgovorom Centralne izborne komisije BiH na pitanje postavljeno na 39. sjednici Predstavničkog doma, održanoj 18. 12. 2012., te zatražio konkretan odgovor.

Pitanje je glasilo: „Iz štampe sam saznao da je jedan od razriješenih članova Centralne izborne komisije BiH podnio tužbu Sudu BiH i zatražio donošenje privremene mjere protiv odluke Predstavničkog doma o imenovanju novih članova Centralne izborne komisije BiH tvrdeći da je to urađeno suprotno zakonu i to u vrijeme trajanja izbornog procesa, pozivajući se na član 2. tačka 15. Izbornog zakona BiH. Imajući na umu rasprave na ovu temu u PDPSBiH, naš zaključak iz juna ove godine gdje smo jasno rekli da se imenovanje novih članova neće vršiti do okončanja izbornog procesa, postavlja se pitanje da li ste svjesni kakve će posljedice nastati ako Sud BiH donese privremenu mjeru i u konačnici odluku proglašiti nezakonitom (poništenje odluka CIK-a od 27. 11. pa dalje, pravna nesigurnost, ugled PSBiH itd.)? Ko će biti odgovoran ako se to desi?“

Pitanje je obnovljeno na sljedeći način: „Komentar na formalno dobiven odgovor od CIK-a je sljedeći. Ja ovo sve što je CIK meni odgovorio, ja to nisam apsolutno pitao, to su meni bile poznate stvari. Ja sam pitao – da li su svjesni kakve sve posljedice se mogu desiti i po Parlament i po CIK, i ugled uopće tog cijelog izbornog procesa, ako Sud BiH uvaži tužbu oštećenih, pod navodnicima oštećenih, i vrati stvari na početak i dovede u pitanje odluke CIK-a itd? Dakle, ja insistiram na konkretnom odgovoru na moje pitanje.“